

天目先生集

天目先生集卷之一

吳興徐中行子與 著

五言古詩

題西園雅集卷

西園美清夜，置酒臨高樓。
涼飈散暄濁，飛蓋聊行游。
芙蓉被幽渚，好鳥鳴河洲。
皓皓鄴城月，蕩漾清漳流。
衆星粲以繁，冠佩列應劉。
玉盤膾神魚，艷曲奏篴篥。
賢王重片善，磬折恒相求。
文雅鬱縱橫，賓主紛勸酬。
慶雲布優渥，傾言澤不周。

俯視銅雀臺零落成荒丘觴至不盡歡良景逝
不留載歌露未晞嘉會垂千秋

離薺園二首

鳳覽超世氛龍德寡諧俗大節自惛蕩世路傷
局促故鄉有縣圖乃在崑山曲日月出其中雲
霞蕩其麓五城十二樓照耀扶桑旭游戲安期
生汎濫南華錄鵬鷁固異適薰蕕誰同欲嗟彼
楚楚薺判然豈予服時無陵陽侯疇能證荆玉
三復迷陽篇聊以衛吾足

二

茱萸亦有芳何如蘭與蕙惡木豈無陰何如松
與桂俗士尙和光奄然媚於世至人貴知希塵
埃自蟬蛻爲圓擬漆園偃仰寄高睨清秋爽氣
鮮六合一澄霽神飈起天末明霞照海溼俛視
游魚出居然契莊惠仰睇孤鴻翔冥冥向天際
嗟彼棗與蔬徒令自蕪穢

得于鱗書

伊予河梁別楊柳方依依分手幾何時蟋蟀鳴

庭幃商飈率已厲白露沾人衣感時懷同袍中
心愴以摧不惜故人遠但傷知音稀長歎謝流
俗高臥掩重閨忽逢雲中翼開緘見音徽殷勤
骨肉言夙昔歲寒期臨風再三讀慙我長渴饑
喜極復垂涕願隨黃鵠飛

五游詩贈郭山人

郭生抱靈異本自煙霞姿束髮愛遠游所得皆
經奇夙昔上太山爰值暮春時五藥皆翕輒三
芝亦葳蕤排虛登日觀流覽臨四垂鷄鳴海色

赭靈耀浴咸池滄溟僅一勺黃河細於絲縹緲
三神山雲濤相蔽虧極睇金銀臺凌風欲從之
道逢魯兩生時會于鱗殿示以東游詩杖策往
勞山果得逢其師從此謝塵侶倏然駕雲螭

二

余昔夢太華颺馭何泠然一舉歷千仞倏忽升
雲煙松下有異人彷彿呼予先指余金天精名
署玉帝前一朝挂塵網霞想未及宣我友歷下
生逸氣臨高天躡足超滉漭竦身坐其巔千載

一遐眺英聲振八埏君今嗣高步抗志凌飛仙
手持盧敖杖遙訪丹丘筌紫氣亘高掌曠若相
周旋關尹倘再遇貽我西游篇

三

衡嶽何蜿蜒秀出楚雲重崔嵬赤帝宅合沓祝
融峯璇臺倚空曲上與冥宿通朱陵閼日月紫
蓋垂芙蓉禹時金玉檢石室今猶封仙宇紛星
羅羽客往往逢緬惟蔡使君坐嘯清霞中彩毫
灑絕壁白晝飛長虹綿邈經廿載君復振玄風

靈文授鳥字真氣開鴻濛安得從子去竝起雙
飛龍

四

蛭坎井居斥鷃枋榆息不騁無涯觀安知九
鼎窄君偶燕市逢已躡恒山屐眷予汗漫期滯
爾扶搖翮夙駕今復行上下將安適誓登玄嶽
顛極眺海天色絕頂摩層霄玉衡手堪摘俛視
河流倒趨崑崙石始悟太玄泉可以鍊金液
緬昔昌容仙蟬蛻幾千億齋心倘逢之服食駐

精魄獨往當自茲毋令濛汜迫

五

維嵩鎮中天壯哉稱神嶽二室閼陰陽三臺倚
寥廓松柏翳叢霄金壁蘊丘壑榮光晻象緯絳
氣互縈薄巖竇多神芝仙靈此栖託燦燦三花
樹玄冬靡凋落石髓可代餐銅鈔有遺藥平生
慕王喬結念在伊洛君從大梁來申以嵩高作
詎意剖符地果遂淩雲諾伊余方外期寧戀區
中樂乘風倘再過遲爾緱山鶴

贈極愚子章羽士二首

黃帝登崑丘遺珠赤水側明智競索之乃爲象
罔得大道恒若昧良賈深自匿至哉老氏言盛
德有愚色識覽率已除游心在玄默皎皎類易
汙悟者守其黑所以極愚士含意疇能測

二

王屋摩青天太行高不極北叟九十餘誓欲夷
其塞上帝感精誠夸娥借其力朔東與雍南雙
峙鴻濛色當其荷擔時舉世笑其惑一夕山爲

移其愚復誰及俗士營目前朝耕暮期食至人
遺其身億代爲曠息翩翩夸毗徒奄忽互傾側
技殫神亦銷智者竟焉得

懷李于鱗

寥寥獻吉後作者日以邈海內操觚家人人抱
荆璞夫子一高視青天出華嶽遂令二三子廣
路齊文轂郢人豈無斤妙在輪扁斲不有師涓
悟寧聞鈞天樂自君歸泰山浮雲滿河朔亦有
燕丹酒誰聆漸離筑神馬戀蛟龍奇禽宗鸞鷟

况我同心侶分義踰骨肉引領一悲歌絃斷不可續誓當理初衣從君臥空谷

懷王元美

朔風吹薊門玄雲暗四野嚴霜白日冷哀鴻唳
長夜起坐懷昔游荏苒半凋謝宗梁旣長逝海
內傷大雅王生雖僅存其憂甚死者慈母哭堂
上弱弟哭堂下寧論嵇紹孤已見蓼莪罷豈不
願速朽骨肉誰相藉且留如綫身隴上樹枌櫨
賴有楊馬才詞塲足凌跨萬變渺端倪千秋獨

悲咤我欲問巫咸何從借雲駕

懷吳明卿

猗猗孤生桐托根南嶽趾幸蒙風雲會移植承
華裏霜霰忽見侵摧頽心半死豈無清廟音疇
爲製綠綺陽春徧八埏胡爲獨遺此感念懷密
親躑躅向燕市斗酒味寧薄沉懽滯不起獨攜
郢中歌徘徊向誰理坐聽失羣鴈嗷嗷慕儔侶
宛轉不能寐空庭復徙倚朔風中夜吹浮雲日
千里歲暮黃河冰何由寄雙理

春暮將赴汝南廣川舟中寄懷京邑游好

三首

昔來嚴霜零春陽忽已暮盛年不再逢嘉會豈
常遇何況凌雲才秬苑振高步眷余失羣羽不
吝千金顧留連曲水游感慨河梁賦嫵婉能幾
時倪仰卽岐路車馬盈道旁孰測心所慕冀闕
何岩堯浮雲日馳驚歛轡臨長河徘徊不能度

二

浩浩黃河流冉冉白日晚驅車渺何之南游洛

與宛五馬道踟躕十步一顧返言念同懷人亮
節不可諛談天碣石宮置酒華陽館高文敷瓊
瑤清歌命簫管攜手遠追隨思情一何嬾居者
弗克俱行者日以遠春暮無歸鴻何由寄情款

三

黃河多悲風白日廣川陰驚沙蔽天地方舟猶
滯淫躑躑將安適曳履援鳴琴一爲清商曲灌
木俱悲吟知音一以隔離思故難任在近多遺
遠日月易浮沉伊余歲寒契莫忘初別心願言

厲高羽千載垂詞林瑤華倘可嗣引領伊川尋
答郭次甫

論文誠獨難知已良不易流俗多混淆物理失
真僞世無郢匠斤焉知斲輪秘余昔二三子幸
遘風雲會和歌燕市中俠氣振天地經時倏星
散斯文遂陵替策馬余北來耳目日以異緬想
西園游悽惻山陽涕連枝旣以摧碩果亮終棄
詎意餐霞人夙有淩雲契獨往慕鴻冥遠遊學
蟬蛻託興詞翰場四海一高睨跂余竭石宮遂

停恒山轡立談未及終三歎不能置金奏豈阮
生郭公果心醉贈我歲寒枝貯之瓊瑤器副以
陽春篇殷勤表良遇感此欲報之幽懷靡可致
匣中有龍泉廐中有天駟佩以辟羣邪駮以謁
上帝汗漫八極間疇能測所至

題萬言卿西原精舍二首

矯矯豫章材瑋識一何朗蚤歲升當塗明堂振
清響輝赫冠蓋間而獨秉高尚依依箕穎情寤
寐發遐想九江湧坐隅匡廬出諸掌魚鳥宛來

親煙霞日排蕩曾是青瑣居泠然白雲賞道勝
貴陸沈天游謝塵網所以賢達人金門寄偃仰

二

伊昔讀書園藹藹章江郭高齋俛江流崇臺面
廬嶠佳氣何鬱盤川原莽迴薄丹霞射疎牖白
雲蕩虛幕灑翰激神飈披襟坐遼廓卽今冠朝
列故鄉日以邈長安十二衢飛甍麗朱牖含意
益沈冥每飯在丘壑混跡豈殊衆忘筌會有託
咄嗟曲士心精微疇能度

題况比部藥湖書堂

子牟戀魏闕王生臥伊洛世無蒙莊子安知濠
梁樂茲湖信清曠鴻濠巧䟽鑿巘嶠旣環迴川
渚亦綺錯水碧間芙蓉石華被蘭薄日蕩絳蜺
鮮飈激紅泉落伊昔餐霞人於焉鍊靈藥倏忽
淩紫氛神理疇能度子固清廟珍藻翰麗丹牋
蟬冕亦云華胡然慕丘壑服食倘不誣將子翔
寥廓

送吳生遊楚

江介多悲風庭草率已萎貧士久失職抱影西山陲負薪豈不苦披裘有良規落落吳季子夙稱東箭奇論文得吾黨金石誓不移送子涉遠道言訪瀟湘湄三楚富奇節眇睠成心知平生國士膽慷慨得所施楓林已搖落江水何逶迤清深氣逾烈贈以猛虎詞雖非季布諾聊用惠前綏

得滇南除目戲爲

余昔四十時秩已忝金紫棄捐垂十年僅乃復

其始故璧則猶是馬齒加長矣頃失曾不憂今
來亦何喜未能免俗緣栖栖聊復爾終當拂衣
去相從鴟夷子

天目先生集卷之一

終

天目先生集卷之二

吳興徐中行子與 著

七言古詩

贈戴金吾伯常

漢家貴幸執金吾威凌勃率傾皇都錦衣鷩冠
珠勒馬飄風疾電同馳驅橫行司隸不敢問依
倚雲霄何事無得意失意由反掌紅塵白日天
模糊戴生亦是期門客廿載長安仍四壁揚鞭
不問平津館載酒每過楊雄宅吾黨原稱落魄

人過逢但展高陽席日照雕盤馱馹高風吹玉
椀葡萄碧酣歌北斗忽插地起視東戶扶桑赤
吁嗟俗士蝨處輝豈謂流光駒過隙大夫要有
千古名不爾聲華竟虛擲君不見西京七貴何
匆匆白首枉殺黃金陌

贈湯邑博

君不見魯申公受詩浮丘號儒宗抗直仍辭楚
王傳杜門教授蓬蒿中豈謂明堂待高議安車
駟馬來山東又不見匡說詩微言纚纚解人頤

公車屢上不稱意遠方隨牒猶低眉翕然經術
動三輔一語尊爲帝者師湯君蘊藉亦如此牢
落風塵難獨窺九重上書未得見兩都作賦空
稱奇去年掄材向三蜀司馬王楊盡有之問奇
且醉子雲酒抱膝自歌梁父詩祇今清聲漸籍
籍羣公交口惠前綏薦賢會入山公啓摘藻應
逢秘監知有道自諳龍蠖理雲霄九萬未云遲
送李子鱗守順德

去春從君燕市游眼中諸子同盃酒今春送君

濠梁上爾我躊躇自攜手大雅沉淪况已久吾
黨相逢信非偶乾坤反覆賢豪至百年麟鳳生
郊藪孝宗作者李與何力挽江河始東走君
也蚤得哲匠心玄夜昭回開北斗睥睨堪凌異
代人招攜復得同心友竭來陸沉郎署中玉石
蒼茫竟誰剖王生披覩自青年謝客陰森回白
首余之同袍梁與宗感會風雲成不朽嘯侶頻
過碣石宮善謔清驪何不有席上揮毫煙霧飛
燈前擊劒風雷吼嗒嘍雄辯謝雕龍等閒世事

同芻狗嗟哉此意人知否世路風塵莽荆棘相
知歲月違南北舉帷君遂守扶風執戟余猶滯
京國酒殘日落君當行且復斯須岐路側纏綿
奇樹本連枝宛變鵷雛分比翼龍劍精靈雖共
存瑤琴神理終誰識平生知己自君盡別後何
人寫胸臆趙地曾誇三輔豪意氣瓌奇自疇昔
士慕平原有處囊子懷鉅鹿無終食臥閣春風
鼓瑟聲行軒明月連城色秋日如逢壁使來報
書慰我長相憶

送吳舍人明卿還楚

楚詞何者振芳躅前有屈平後宋玉眼底吳生
亦崛起蚤歲天衢策高足結交羞問聲利場染
翰愁看輦隲俗夙昔逢予盡省中握手殷勤賞
清曲心知此物識者稀意氣飛揚自相勗倏忽
赤水探玄珠凌厲青霄起黃鵠江河百折獨往
心富貴浮雲非所欲逶迤洪響滿雲臺載酒依
依坐天祿自許東方暫陸沉豈如左史徒能讀
俠氣還爭山嶽高壯心不爲軒裳束海內賢豪

幸一時過逢但坐邀擊筑碣石談天盡古今華
陽置酒窮曛旭淹留復似小山招跌蕩爭爲大
言賦劇飲惟愁白日過窮交不畏黃金妬蚤覺
吳生肝膽露倚劍茫茫紛四顧仰天爲我歌楚
歌千里煙雲低不度登臺朔漠來秋色七陵潏
蒼開煙霧乾坤此會真有神世路艱危轉自親
朝廷若可無楊馬符璫寧須待鳳麟片言自昔
重山嶽九錫徒爾輕埃塵卿不見章華冠蓋委
草莽郢中詞賦懸星辰卿今乘槎漢水濱鄂渚

涼風萬里新愁入湘沅飛暮雨氣生雲夢起峻
岫鸚鵡洲荒悲處士懷沙地古吊詞臣詞臣自
昔擅陽春含意千秋鬱未申宋玉祗今逢和者
靈均莫歎國無人

神樓篇爲大司寇劉公賦

斥鷃游枋榆逍遙在尋丈醯雞生甕中何由覩
天壤曲士勞勞一世間白首風塵空偃仰明公
託宿自神樓傲睨浮雲轉高敞九州不足步四
溟不入眼脫略小區寰局促悲世網寓意神樓

十二重振衣千仞懷獨往太虛爲宇天爲梯上
逼鴻濛下埶濟照室宵懸罔象珠排虛日射金
銀榜黃鶴南度嘯月明紫氣東來開天象乘霧
壺中汗漫游御風方外冷然賞玄覽還同弘景
登金丹况遇安期餉吞腥啄腐笑世人冲棲福
地何瀟爽公昔芳年叩帝闈一旦雲臺振洪響
揮翰高凌楊馬前許身直擬夔龍上世路喜浮
沈中懷轉跌蕩經綸未究蚤拂衣身也可退道
難枉祇今大隱八十春瀕洞乾坤幾反掌公也

風神益高朗上乘真窺鴻寶書後車久謝鷹揚
訪羨門王喬可等期芝草琅玕日夜長念我曾
蒙國士知從公擬稅塵塗鞅介壽慚無雜佩貽
回首神樓發遐想

送張中丞還山曲五首

風雷一夜摧西嶽千里塵飛渭河濁但臥南山
自堪樂笑殺漢代飛將軍猶把封侯問王朔
四旬已稅長安轂萬事不問君平卜且醉山中
漚千斛不見君家漢子房朝封留侯暮辟穀

岷峨積雪常陰陰洞中瑤川松間琴霞巵石髓
任自斟笑呼山中謗書者賞以募士千黃金
長劒重淵斬巨鼉樓船萬里截風濤兵權脫手
如鴻毛王濬無功何足問叔子歸第何其高
憶昔張華淮海旁立談贈我雙干將三年萬里
隨行裝聞君別離忽躍去星斗錯落無晶光

捕虎詞二首

拍天濁浪愁鯨鯢橫行惡少弄鼓鼙太山之婦
恒夜啼里中三害一時盡千秋誰似周征西

湖邊野人何太武赤手山中搏兩虎
主莊之術何足數安得一騎疾如風
鼓行而西擊胡虜

高陽行送沈嘉則入閩

自從酒人散燕市予亦拂衣歸五湖
四明沈生忽相過投謁自稱高陽徒
夙昔辭塲騁高步里耳紛紛曾不顧
玉簡真探禹穴書金聲未數天台賦
平生所得皆經奇歷落銓器少見知
夷門一顧仍寂寞肝膽熒熒好向誰
千金自詫屠龍技蒯緱不掩干霄氣
琴心欲締千秋賞劍術曾

令萬夫廢獻春一走姑蘇道王家兄弟盡傾倒
酒酣贈爾游閩篇矯矯雙虹破秋吳武夷之山
昔所經海日照耀千峯青珎流九曲挂南斗巖
壑往往藏仙靈中有賢豪稱大度客但南游豁
雲霧中丞折節魏信陵飛將干城漢都護任俠
從來未可輕伏軾旋收七十城劇孟隱然一強
國酈其自許非狂生袖中漉漫一敵刺留向明
卿結知己十口甘從吾黨貧寸心忍向風塵死
九歌倘就堪招魂百鍊誰將化繞指高陽徒沈

夫子擊筑送君萬山紫盧敖杖王喬履贈君五
游從此始

滇南送陳方伯歸錢塘

先生文章足經國擁帳僅歷炎荒域先生讜論
足救時寂寞不爲人所知屈指青雲三十年同
時故舊半貂蟬起家方岳非不貴羈身萬里今
人憐雖然鍾鼎非其意所至思興千載利借箸
曾錯跋扈魂采金議雪窮簷涕卽今荷鍾鑿山
泉灌漑荒塍萬頃田家乘鋤鉏戶絃誦坐令六

詔無烽烟斷鰲獨立溟海極鍊石足補西南天興
來忽夢西湖色一日明駝馳上國陳乞骸骨意已
堅廷議欲留留不得山中日月不易老世路風波
誰自保達士縣車豈問年但得挂冠無不好君家
住傍釣臺高余亦思從范蠡逃拂衣且上五湖棹
載酒同觀八月濤

與管侍御李公

弘嘉之間論大雅二李西京二司馬益州崛起碧
雞才一日才名振華夏金匱宵探秘省中柏梁曉

賦彤庭下是時

天子憂七閩暫輟辭臣稱使者

虎竹仍頒帝子卿張樂釣天洞庭野玄覽超然本
負奇爭傳水鏡映當時已從遺牘收名士更自冲
年識 帝師鴻才自合風雲起龍性終非世俗宜中
歲挂冠歸栗里強半齋居在僧寺色相由來金粟身
文章舊號青蓮體束髮懷君經歲時垂白南荒結心
知君似斗間逢博望余如海上遇安期天連三竺非
人世雪皚梅花映酒卮游從幾日當迴轂把袂旗亭鬢
盡絲裴徊公子夷門騎莽蒼河梁都尉詩開篋有時

還自解銜盃無處不相思

大將軍戚公歌

攬搶墮海成鯨鯢平地驅濤撼閩越妖稜憑陵
日月迷輻員幾向東南裂將軍方監臨安兵訓
練諸將勇且精飛檄轅門白虹起揚旌海嶠雄
風生將軍桓桓具文武海內賢豪稱大度不忘
挾纊及輿臺但得賜金陳廊廡越王山頭旗鼓
高海若陽侯慄不驕彫戈忽駐扶桑日彊弩仍
平萬里潮直以偏師當八面東突西馳疾雷電

大小身經百戰多旋復名城與赤縣是時拊髀
思元勳細柳軍容儼不羣部曲猶嚴假司馬天
子亦謝真將軍建節漁陽稱總理十道元戎聽
指使天塹金城高接天戰場化作新豐市欵關
業已臣單于瀚海烽煙一日無聖主垂衣千
萬歲虎臣世世執金吾

過秦郵與袁明府文穀飲甓社湖因憶吾
友宗子相嘗豪飲于此屈指二十年所矣
袁是子相通家子也感而賦贈

宗君一往二十年江左風流尚宛然袁郎崛起
亦不晚遺調曾傳廣陵散恍如楊子逢桓譚安
得中郎遇元歎作客况在黃巖山臥起雲壑非
人間訟堂一揮百牘盡坐聽流水心常閒興來
筆底興煙霧華頂霞標照豪素海嶠曾賡康樂
詩天台未數興公賦夢寐惟思燕市盟白雪一
字千金輕但逢吾黨便絕倒三公九錫非其情
頃者甘泉計羣吏冠蓋紛紛向朝市翩翩鳬舄
人不知獨夜燕關叩蕭寺入門一揖卽稱詩峯

崎磊落心奇之飲罷諸天明月墮復似西江夜
詠詩爲歡幾日忽分手艤棹秦郵遲余久娛以
千金秦女簫飲我十日平原酒驪珠忽浮甕社
湖酒酣興劇仍狂呼風雷半夜驚濤起應是當
年舊酒徒

此君操

豫章朱貞吉先邦君性愛竹取號竹隱
結亭竹中至貞吉萎而復榮予友余德
甫榜其亭曰竹在志孝思也於是詠歌

其下援琴而鼓之

爽池修竹何檀欒朝鳴鳳兮夕栖鸞王孫游兮
悄不還令二女兮涕沱瀾諸公子兮玉筍班復
爲此君生羽翰采葉釀酒皮爲冠託君鳴琴歌
求歎猗嗟武公名不刊

風木卷爲慚烏李君題

北風撼樹樹欲枯破巢失母號慈烏樹更怒號
風更急中宵啞啞哀遺雛餘音應山山鬼泣斷
雲凍月同寒孤君方有親不待養獨夜聽此清

魂徂反哺情同怨亦同昊天不弔予何辜壺有
清醕盤有魚親幃蕭颯空躊躇春暉寸草報已
淺况復寸心徒鬱紆愁煩雙鬢倏成雪憂結中
腸如食荼人生有親須蚤娛不愁西山日欲晡
君不見李君欲養親則無涕淚長沾風木圖

安期行題畫壽慚烏李翁八十

海上樓臺十二城云誰居者安期生笑指神龍
化爲鹿白日蜿蜒雲中行雲中行何所止長城
來訪慚烏子南極星垂震澤黃高天氣壓吳關

紫杖頭一函鳥字書中藏千古鴻濛理慚鳥李
翁有仙骨姓名早籍長生紀聖世優游八十春
拾穗行歌萬山裏授翁神丹翁莫疑羨門王喬
可等期從來至道自天授項領紛紛那得知

天目先生集卷之二終

天目先生集卷之三

吳興徐中行子與 著

五言絕句

活水池

池分襄漢水
岼夾武陵花
但得高陽侶
寧須問習家

詠顧汝和舍人種桃

不言溫室樹
却種武陵花
豈是金門客
偷桃出漢家

題顧汝和石鼎寮

雲英烹石鼎
月色照冰壺
何必金莖露
能令肺病蘇

叩竹杖

仙人方竹杖
遠道出臨邛
挂壁風雲動
還應欲化龍

次劉明府宴二大叅松雲菴韻二首

樹古苔痕厚
山秋黛色增
穿雲鍾報客
坐石鳥窺僧

雙星天目來九月雲林宿禪房秋興多題詩徧
青竹

送陳明府之任慈谿

清秋臨鏡水明月過桐廬興發枚乘賦奇探禹
穴書

○七言絕句

送元美

翩翩使節向蘇臺南望吳雲萬里開銀漢仙槎
來月下金陵秋色度江來

寄謝茂秦

王門賓客救生老。鄴下交游季重存。聞說擔簦
來趙地。幾回虛左候夷門。

書萬都閫鹿園卷留闕方士處二首

時危意氣獨橫行。屢突重圍破海鯨。夜擁鹿車
明月裏。仍從支遁問無生。

曾揮羽扇掃胡沙。江左奇勳勝永嘉。功遂不教
麟閣畫遺容。却赴赤松家。

送宗子相還廣陵二首

黃金臺下白榆秋，葉落滹沱急暝流。
南望大江明月裏，片帆千里下揚州。

霜落江空楓葉凋，接天寒色廣陵潮。
清宵憶爾聽鴻處，明月揚州第幾橋。

燕臺感舊

北來鴻鴈已南飛，滿眼風塵舊侶非。
欲向月明歌郢曲，不禁霜露濕人衣。

和子相石牛驛聞笛見懷之作

醉時明月滿山城，別後秋雲萬里生。
獨夜高樓

自吹笛誰知淚濕楚臣纓

停舟溪上懷子相

夜闌星斗挂千峯吹笛江樓思萬重曲罷美人
猶不見空懸明月照芙蓉

登霹靂巖遲子相雷雨驟作

白日天開霹靂巖千山飛瀑挂松杉馮陵却喜
東風急吹盡浮雲見客帆

秋日建溪懷明卿二首

九江秋色滿漁舫江上芙蓉照客袍不分楚人

能放逐青山白日著離騷

倚棹秋風問幔亭滄江落日萬山青獨看廬嶽
雲千疊豈是狂生醉未醒

哭光祿汝所二首

十載曾同洛下游惠連年少更風流諸兄縱有
池塘夢玉樹蕭蕭祇自愁

美人今已不同時開篋重看贈我詩若道江南
無舊好豈應天上有新知

爽臺送別朱生

湖門俠客馭風來十日狂歌醉爽臺歸去武夷
秋正好萬山明月片帆開

梁園送青州馮公督學浙江二首

文輶朝發孝王臺錦席秋臨南斗開齊雅向聞
吳季子泱泱今覩大風來

五花爲馬繡爲袍攬轡江南興轉豪滄海濤聲
迴坐嘯赤城霞色起揮毫

送子相還

妙高峰上試登臨月色潮聲盡古今辭客豈須

愁病肺中冷泉水更清心

送于鱗之邢州三首

趙地山河擁上京于今保障有長城停車襄子
宮前問猶說當年國士名

東平俠客有劉生寶劍千金舊署名忽道明朝
脫相贈夜深風雨匣中鳴

十年西省尙書郎此日新攜刺史章明月一尊
開北海春風千騎下東方

送許趙州兼訊李邢州

青春五馬下燕京自喜分符近李生
雙壁千秋重入趙共看明月照連城

送元美二首

高秋獨上白登臺西北浮雲盡不開
忽見千秋飛雪下驚傳漢使自天來

醉攜長劒倚高秋忽見黃河天外流
莫更臨風歌出塞九邊寒色不禁愁

同明卿惟敬登太白樓

醉攜仙客上雲梯睥睨煙霄萬象低
便欲乘風

登日觀蒼茫海色使人迷

送千鱗還郡

風塵幾日到燕關
千里檐帷雨雪還
把酒郡齋秋色滿
知君不厭太行山

吳門送周永部謫楚二首

客歲曾開薊北書
知君秋興在鱸魚
銜恩却向湘沅去
明月滄洲滿謫居

綠鬢仙郎白玉羈
春風曾醉習家池
停車試聽襄陽曲
半是當年水部詩

天目山志卷之六
俞郎中德甫使越時余在吳寄此懷之三

首

吹笛西湖明月高
萬山秋色照綈袍
向誇瀑布三千丈
何似錢塘八月濤

松溪麻水竝仙家
月裏揚帆采石華
把酒天台定相憶
因風遙寄赤城霞

三日華陽臥翠微
醉攜一片白雲歸
因風遠寄同心客
裁作山中隱士衣

感舊

自別燕臺白日徂華陽碣石總荒蕪獨留一片
西山月猶照當年舊酒壚

懷千鱗

黃河萬里接崑崙太華天開西極尊一自凌雲
來賦客未論紫氣滿關門

征南鏡歌二首

誓師親上越王臺東望扶桑海色開鉦鼓三江
殷地起艤艫萬里蹴天來

橫海樓船大出師青山千里列旌旗會稽擬作

燕然石震澤今爲飲馬池

送明卿出汝南城南三十里風雨驟至夜

飲村店同賦

城南白日起風雷狂客悲歌且未迴豈爲高秋
嗟遠道且將寒雨送深盃

蒼茫汝海鬪雷霆五馬中天此暫停已遣河山
留俠客誰教風雨妬文星

于鱗謝病濟南寄訊

白雲湖上萬山青日月茅堂醉復醒不是楊雄

耽寂寞千秋誰見太玄經

送張尚勳助甫左遷別駕四首

十年無信到山濤
謫後相逢解佩刀
從此青雲知己盡
平生白雪向誰操

洛陽誰似賈生賢
議事承明獨少年
最幸主恩深漢帝
左遷猶在五雲邊

邯鄲一騎走風塵
誰信甘泉侍從臣
倘過呂祠何必問
升沉俱是夢中人

攬轡漳河秋色閒
悲歌應上古叢臺
若非按劍

長安客白壁何緣入趙來

寄答汝南諸明府

景夷臺上白雲秋縣瓠城邊汝水流却憶諸君
明月夜臨風清嘯滿南樓

寄贈侍御潘子良督學畿中二首

地雄燕趙舊多才賢俊爭看日下來剪拂盡堪
成駿馬黃金何用築高臺

蹀躞花驄走北平鬱蔥佳氣傍神京龍門復見
三千士虎旅曾監十二營

贈總制汝南喻公破胡鏡歌二首

驃騎乘秋出武威經旬三見捷書飛侍臣上壽
歌朱鷺諸將承恩拜錦衣

邊聲動地陣雲黃萬騎憑陵蹴大荒落日忽聞
鐃吹入轅門生致兩賢王

戲詠盆中品字蓮二首

花開品字競妖嬈竝倚金塘舞翠翹惆悵忽思
三婦豔風流不數六郎嬌

笑看茵茵出盆池竝蒂三花宛宛垂却似太真

初浴罷雙攜秦虢鏡中窺

寄張亮卿林彥仲游明仲趙以忠四子

升堂門客總應劉杜乘西園幾度游飛蓋祇今
明月夜芙蓉還似去年秋

懷子鱗

青天太華倚嶺岼白日黃河萬里看一自著書
西度後關門紫氣至今寒

出囊中古劒吳筆寄贈明卿系以口號二
首

十年寥落倚崆峒、贈爾豐城起白虹、醉後莫將
廬嶽舞、恐令雙劍失雌雄、

春雲夜直建章高、曾向江淹贈彩毫、縱臥山中
休擲筆、清秋堪賦九江濤、

懷明卿

萬仞匡廬散錦屏、千尋瀑布挂青冥、自從騎鹿
雲中去、何處逢人問歲星、

寄在明

一自悲歌易水旁、故人風雨散瀟湘、從今莫灑

千秋淚只恐重飛六月霜

寄齊相許殿卿時于鱗病免濟上

投荒猶得賜環恩授簡王門道亦尊更值相如
初病免論文數過茂陵園

送丁叅軍之楚幕二首

幕府高臨七澤開叅軍爭喜孟嘉來時清久罷
征蠻檄秋至重登落帽臺

武昌楊柳颿高秋楚練如霜映上游聞道庾公
今在鎮好乘明月嘯南樓

奉和黃公金溪詠四首

芙蓉峰

霞標秀出海雲重
空曲煙浮翡翠濃
最愛金溪秋月夜
天開明鏡浸芙蓉

文筆峰

秀拔瓊林迥不羣
千尋霜穎插青雲
午風吹破江淹夢
散作雲霞五色文

錦屏峰

蹙香匡廬九疊屏
天風吹度九江青
朝來忽挂

飛霞色却似羣仙會幔亭

曲溪

曲曲清流隱竹林
逶迤更比武陵深
春來岸岸花相似
縱有漁郎何處尋

贈蘇進士歌者新春

春雲輕度鬱輪袍
雪淨花宮玉樹高
更道掌中能妙舞
曾經醉殺五陵豪

華陽明月曲二首

玄都仙露湛金莖
琪樹千章散月明
無限采雲

寒不度樓前吹落洞簫聲

笑呼明月下高峯秋滿瓊樓十二重咫尺太清
殊可問茅君爲我借飛龍

送吳明卿

天外音書久不聞眼前朋好又離羣今宵斗酒
還燕市明日孤帆是楚雲

奉懷灌甫公子

罷歸已謝潁川金寥落空餘國士心當世憐才
知不少窮交誰似信陵深

廣陵史德初訪余山中

漂零誰識史王孫
曾散千金報主恩
此日到余
茗水上白雲
秋色可堪論

崑山周胤昌自金華郡丞進守故治賦寄
此詩

十年飄泊鬢俱蒼
帶眼頻移似沈郎
詞客有緣
山水郡專城
猶得臥東陽

挽中丞王公三首

三握兵符漢重臣
蒼茫無復畫麒麟
風雷不見

將軍樹愁殺延陵挂劒人

烽火甘泉獨請纓君王親問亞夫名
榆關自失單于壘一夜霜凋細柳營

頻年力盡戍桑乾帷幄紛紛日轉難
一自縞衣過易水瀟湘風色至今寒

送司馬蔡公赴京四首

漢家闔闔倚天開劒履乘秋入上台
托乘諸侯千騎山前驅中岳萬靈來

萬騎憑陵走朔風千旗肅穆建章宮
寄聲胡馬

休南向頗牧千今在禁中

樓船天上出黃河南指燕山氣色多漢月九關
飛羽檄卿雲三殿進饒歌

十八終軍誓請纓蹉跎華髮入承明誇胡已著
長楊賦衛漢重開細柳營

寄黎惟敬二首

六月維揚亂後過故人雙淚滿干戈一從歸臥
羊城月海上浮雲奈爾何

高秋期爾石頭城貫酒吳姬賦月明不道我來

君已去滿江風雨送濤聲

包護軍中丞汪公幕下士嘗受詩于明卿

余贈之于宜城四首

孤臣歲晚發江潭客有長纓且駐驂寥落怪君
經癖在當年曾事杜征南

歲闌雨雪峴山西盃酒孤城日漸低此日袁生

休弄笛故人猶在武陵溪

時明卿在高州

頻年瘴癘滯炎州裘馬蕭然客鬢秋聞說同時

諸校尉雲臺次第拜通侯

卷之三
十一
言
紛紜屠販盡麒麟力盡戎旃未致身但遇吾曹
官自拙始知詞賦善窮人

楊林驛遇賈孝廉出長興顧中丞大字西
蜀楊用修詩札留贈二絕

遙聞高士臥青冥落日軒車爲爾停曾是楊雄
門下客白頭仍守太玄經

寺宇虎頭書前輩風流總未如徼外復從
之老見斐然雙壁照行車

九月六日穆水部邀登蕪湖吉祥寺

上方樓閣倚江開，萬里帆檣破浪來。
正擬青山留對酒，況逢黃菊好登臺。

張生從梁舍人游嶺南橋李舟中和贈三
首

相逢秋色滿江湖，攜手羅浮興不孤。
試問舍人春殿柳，還如張緒少年無？

翩翩裘馬壯遊心，盡手仍高子墨林。
但得向平尋五岳，寧論陸賈贈千金？

海中樓閣盡仙家，明月遙隨使者槎。
若道炎方

無過鴈好從庾嶺寄梅花

檣李遇梁思伯夜飲舟中

相逢盃酒大江隈十載愁心一夕開
垂老更知何地合雙帆將發重徘徊

延平王良材以畫梅見遺賦贈

夢回仙佩尚珊珊一片羅浮匹練間
怪爾毫端清似水茅齋近傍玉華山

送謝公子往豫章

千山煙雨暗吳關春水連天一棹寒
便欲乘風

從爾去笑攜尊酒看廬山

寄答匡南王孫

尺素平輿十二秋風煙轉覺小山幽相看此夜
同明月飛蓋誰堪鄴下游

中丞劉公平海寇短歌

戈船萬里出王師大海今成飲馬池露布正當
稱壽日鐃歌併上萬年卮

歲除得宋大叅書却寄

青春白髮共相催客裏何人共舉盃海上碧雲

看欲盡相思聊寄一枝梅

哭醉石山人朱邦憲四絕句

文似相如竟不收素封聊作醉鄉侯如何天上知名姓一夕徵君記玉樓

誓將七尺報相知一諾南山坐可移不信但看墳上草青青長自傍要離

平生酒伴是高陽度曲猶能繞畫梁解道諸兒分一絕不知第幾得君狂

越女曾題黃絹碑吳姬爭唱竹枝詞曲中自失

周郎顧挾瑟江南好向誰

送馬公子用昭赴試北畿并示國博歐楨
伯太學郭建初

登樓曾向斗牛看劍浦精靈白日寒自爾分攜
獻明主氤氲紫氣滿長安

名駒本自渥洼來一顧旋空萬里材此去天閑
應竝入郭生今已上金臺

建陽新酒瀉春濤過飲夷門意氣豪共道五陵
冠蓋滿還從燕市問荆高

席上送夏將軍專閫廣右

詞場蚤冠楚諸生較射長楊更有名
推轂將軍天上出據鞍露布手中成

矐子分明白起風驍騰誰似美髯公
虎頭自是封侯相抵掌爭看萬里功

金馬當年擁傳過看君千騎下牂牁
樓船一出聞天爭更遣長纓繫尉陀

銅標遙望嶺雲長上將承恩出帝鄉
試問登壇三楚士兼才誰似杜當陽

李文仲自山陰來視余閩中將爲五岳之
游席上賦贈

到處雲霞解送迎知君原是太湖精試看九曲
溪中渡何似山陰道上行

別余遙逐向平游不盡名山興未休避暑寒生
飛瀑布乘風秋度岳陽樓

寄答吳允兆見懷四首

錦字翩翩到七閩朱絃白雪一時新論才爭道
中原盡誰信菰蘆更有人

王郎故有外家風
曾向髫年識孔融
總是西州門下士
一時文彩照江東

散帶青山絕世情
閉門玄草讓先成
饒他驃騎雲臺盡
自愛何郎第五名

滅刺經年不易逢
驅車一日暮登龍
臨書莫怪中郎歎
眼底何人似顧雍

謝王孫貞吉以銅章五岳圖見遺二首

公子翩翩俠丈夫
可因晉鄙奪兵符
閒滅飛出煙霞色
紫綺囊盛五岳圖

金鑿齒家歛識丈人間奇事總輸君他年佩入
深山去天月峯頭印白雲

贈郭建初南還二首

聖代編摩秘閣開幾人載筆上蘭臺看君六館
諸生裏獨有西京良史才

懷璧仍爲衣褐行關門小吏莫相輕他年一入
圭璋選依舊儋君十五城

六言詩

宜城贈包護軍

自敘信陵國士曾事田光先生擊劒兼工長短
讀書獨喜縱橫千金結客垂盡百戰封侯未成
羽獵林誇雲夢商歌且醉宜城

再贈包護軍二首

海外爭誇超距行間獨自浮沉肝膽皎如白日
功名羞問黃金

說劒雄風忽起銜盃俠氣逾振賭命聊憑一擲
學敵寧止萬人

壽憲副陳憲卿年兄七秩二首

萬里笑指侯印三朝喜遂閒身濯纓滄浪漁父
抱甕漢陰丈人白首玄經已就青雲玉樹方新
望氣遙瞻汝潁德星正聚荀陳

聖主寧忘息壤達人自喜歸田雲夢已吞八九
立城何論十千宋玉雄風滿座莫愁緩舞當筵
况是南陽耆老長歌天保萬年